



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmmae Virtvtvm, Ac Vitiorvm , Tomus ...**

**Guilelmus <Peraldus>**

**Lvgdvni, 1585**

Tractatvs VII. De inuidia.

[urn:nbn:de:hbz:466:1-46161](https://nbn-resolving.org/urn:nbn:de:hbz:466:1-46161)

bum modicum sustinere, quin ab illo deiiciamur. Ad modicum etiam flatum suggestionis diabolicæ igne infernali toti succedimur, & cuncta bona quæ fecerimus, amittimus. Ex parte exterioris corporis adeo infirmi sumus, vt nec pulicibus resistere possimus. Augustinus: Homo dicit tibi conuicium, & tumes & iras es: pulicibus resiste, & dormias. Ad distemperantiam etiam febrilis caloris vel ad vnum paruum apostema, in cinerem vel puluerem corpus nostrum resoluitur. vnde quidam dicit: Etenim repentinæ modicæque occasio febris, Dissoluit toto quodcumque parauimus æuo.

### TRACTATUS VII. De Inuidia.

*De ordine dicendorum in hoc tractatu. Et de his quæ valere possunt ad detestationem Inuidia.* PARS I.

**P**OST peccatum superbiæ dicendum est de Inuidia quia ipsa est filia superbiæ. De hac hoc ordine dicemus. ¶ Primo ponemus ea quæ possunt valere ad detestationem huius vitij. ¶ Secundo tangemus aliquid de speciebus eius. ¶ Tertio de remediis contra hoc vitium. ¶ Inuidia secundum August. est dolor felicitatis alienæ.

*¶ De his quæ valent ad detestationem Inuidia.*

Ad detestationem verò huius vitij, Primo facit hoc, quod vitium istud est peccatum in Spiritum sanctum. Peccatum in Spiritum sanctum, secundum vnâ acceptionem, dicitur peccatum quod est contra bonitatem Dei, quæ Spiritui sancto appropriatur, & sic omne peccatum quod est ex certa malitia, peccatum est in Spiritum sanctum. Quod etiam patet per diuisionem peccati in Spiritum sanctum, quod diuiditur in peccatū obstinationis & impugnationis. Obstinatus in Spiritum sanctum peccat, quia in bonitatem Dei quæ hominē ad penitentiam expectat, qui eum quauis eius hostis sit, pascit & vestit, & à demonibus defendit qui eum iugularēt, & ipse sic ingratus bonitati Dei eam impugnat & à bonitate Dei colligit malitiā, & ex misericordia Dei se faurizat sibi iram. Impugnatio verò diuiditur in impugnationem veritatis agnitæ: quæ est in apostatis, & in impugnationem gratiæ: quæ est in inuidis, qui gratiā Dei, quæ est in hominibus, persequuntur & odiunt. Sic ergo manifestū est, quod inuidia est peccatum in Spiritum sanctum, & ideo valde magnum peccatū. Mat. 12. Qui dixerit contra Spiritum sanctum verbum, non remittetur ei neque in hoc seculo, neque in futuro: id est, vix remittetur.

¶ Secundo facit ad detestationem huius vitij hoc, quod ipsum est

oppositum charitati. Vnde cum charitas sit virtus excellentissima, inuidia erit pessimum vitium. Vnde vocatur fera pessima. Gen. 30. Fera pessima deuorauit filium meum Ioseph. Peior est inuidia quam auaritia. Auarus enim etsi non vult communicare sua, tamen vult q̄ alij sua communicent. Inuidus autem non vult communicare bona sua, nec vult quòd alius ea communi-  
 cet. Inuidus de ipsa bonitate Dei dolet, q̄ ipsa non est auara hominibus, sibi tamen eam vellet esse largã, & omnibus alijs auaram. Immenstatẽ diuinẽ bonitatis vellet ad se coarctari. Peior etiam est inuidia, quã ira vel odium: quãuis enim homo iratus vel odians alium, velit malum proximi sui, cum mala volũtas ipsius ortum habuerit à malitia proximi qui eũ offendit, vnde proximus culpabilis est. Sed malitia inuidi, quia vult malũ proximi, ortum habet ex propria malitia: scilicet à superbia, qua vult illũ non purificari sibi, & vult malũ proximi sui omnino absque culpa eius. ¶ Tertio facit ad detestationem huius vitij, quia hoc vitium purẽ malum est: quia quãdo diabolus capit homines alijs vitij, ipse aliquam delectationẽ ponit tanquã escam: sed inuidos miseros capit, quia sine esca delectationis. Inuidia enim, dolor est & amaritudo. Vnde mirabiliter cæci sunt, qui dolore istum præponunt gaudijs æternis, qui dolore & cruciatu quotidiano dolorem æternũ merentur, & dolori, quasi esca sit, adherent, donec perueniãt ad dolorem æternum. ¶ Quarto facit ad detestationem huius vitij, q̄ vitium istud diabolicum est, & diabolo assimilatur. Sapientiã secundo: Inuidia diaboli mors intravit in orbem terrarum. Imitantur autẽ eum, qui sunt ex parte illius. Ad literam, diabolus ideo parẽtes nostros seducere voluit quia inuidebat eis regnum cælorum quod ipse perdiderat. Et propter eandẽ causam adhuc homines impugnat. Vnde diabolus inuidens parentibus nostris, tẽtrauit eos in forma serpentis. ¶ Quinto vero facit ad detestationem huius vitij, q̄ vitium istud venenatissimum est. Vnde super illud ad Galat. 6. Nõ efficiamur inanẽ gloriã cupidi, inuicẽ prouocantes, inuicem inuidentes. Ibi gl. Augustini: Sciendum q̄ cum per omne vitium antiqui hostis virus humano cordi infundatur, in zelo inuidiẽ tota sua viscera serpens concutit, & in hac imprimenda quasi pestem vomit. Inuidi sunt quasi dracones. Iob, 30. Frater sui draconum, & socius struthionum. Ipsi sunt genimina viperarum. Lucã 3. Et Matth. 3. Progenies viperarum, quis demonstravit vobis fugete à ventura ira? Imò serpentibus peiores videntur esse. Serpens enim serpentem non persequitur. Homo verò inuidus alios

alios homines persequitur. Inuidus est sicut ciconia, quæ venenatis animalibus vescitur. Vnde Ouidius describit inuidiam comedentem vipereas carnes. ¶ Sexto facit ad detestationem huius vitij, quod vitium istud magnæ potestatis est. Est enim sicut ignis Græcus, qui in aquis gratiarum accenditur. Ex quo hoc vitium cor alicuius occupavit, iam ipse nullum scelus abhorrere non parcat nocenti, nec innocenti. Non timet homicidium, nec fratricidium vel patricidium. Non pepercit diabolus parentibus nostris, qui innocentes erant, quin mortem eorum procuraret. Inuidia excitatus Cain non pepercit Abel fratri innocenti, quin ex sola inuidia occideret eum. Genes. 3. Non pepercerunt filij Iacob fratri suo Ioseph innocenti, quin eum venderent, quia inuidebant ei, imò volebant eum occidere, Genes. xxxv. tricesimo tertio. Nolebat enim parcere Saul David, qui ei utilis erat, quia inuidebat ei. Noluerunt Iudæi parcere Christo, quin eum facerent occidi, sola inuidia excitati, Matthæi. x. v. septimo: Sciebat enim quod per inuidiam tradidissent eum. ¶ Septimo facit ad detestationem huius vitij hoc, quod vitium istud non de facili curatur. Vnde Cyprianus super illud ad Galatas sexto, Non efficiamur inanis gloriæ cupidi & loquens de zelo inuidiæ dicit: Zelus iste modum non habet permanenti- giter sine fine, quum alia scelera finiantur: quantoque ille, qui inuidetur, successu meliori profecerit, tanto inuidus in mare incendium liuoris ignibus inardescit. Nec mirum, si curare vix hoc peccatum, cum sit peccatum in Spiritum sanctum, cum sit quasi ignis Græcus, qui non de facili extinguitur. Inuidia est quasi rubigo ferro ad hærens, quæ vix à ferro recedit. Beatus filius: Sicut rubigo ferrum, sic inuidia animam in qua nascitur corrumpit. Proverbiorum vigesimo quinto: Aufer rubiginem de argento. ¶ Octauo facit ad detestationem huius vitij hoc, quod vitium istud postquam est in aliquo, ita eum occupat, ut etiam exterius se ostendat. Vnde Cyprianus loquens de inuidia dicit: Huic vultus minax, & toruus aspectus, pallor in facie, labijs tremor, stridor in dentibus, verba rabida & effrænata, iniuria & manus ad violentiam prompta. Vnde poëta de detestatione inuidiam: Pallor in ore sedet, macies in corpore toto, Nulquam recta acies, liuent rubigine dentes. Pectora felle vitent, lingua est suffusa veneno. Risus abest omnis, nisi quem fecere dolentes. Nec fruitur somno vigilantibus excita curis: Sed videt ingratos, intabescitque videndo Successus hominum, carpitque carpitur vnâ, Suppliciumque suum est. ¶ Nono verò facit ad detestationem

restationem huius vitij hoc, quòd vitium istud infelicissimum  
 vitium, est, quia excæcatur, vnde illuminari debuit. Vnde de in-  
 vidis legitur Job, 5. Per diem incurrent tenebras, & quasi in no-  
 cte sic palpabunt in meridie. vbi dicit Gregorius: Mens inuidi  
 cum de alieno bono affligitur, de radio lucis obscuratur. Et sub-  
 ditur: Diues boni operis in proximo lucet exterius: sed quasi cæ-  
 ci nati palpant inuidi, quia liuore cæci aliqua quæ reprehendât  
 inuenire sāt agunt. Ipsi sunt vt noctuæ lucem bonorū operum  
 odientes, & tenebras malorum operum amantes. Bona opera  
 proximi sunt velut candela: lucem boni exempli præbentes, sed  
 inuidi de ipsis candelis sibi oculos eruunt. Et ipsi sunt sicut He-  
 li, qui non poterat videre lucernam donec extingueretur, vt le-  
 gitur 1. Regum 3. Infelicitas etiam inuidorum patet ex hoc,  
 quòd ipsi de profectu aliorum deficiunt, de melioratione de-  
 teriorantur. vnde Gregorius. Inuidi debent perpendere quantæ  
 sine cæcitatibus, qui alieno profectu deficiunt, aliena lætitia con-  
 tabeseunt: quantæ etiam infelicitatis sunt, qui de melioratio-  
 ne proximi deteriorantur. Inuidus infelix fit de felicitate alio-  
 rum, & de pinguedine aliorum macrescit, vnde: Inuidus alte-  
 rius rebus macrescit opimis. Inuidi colligunt de vitibus spinas,  
 & de sicubus tribulos. Inuidi etiam ex bonitate Dei deteriores  
 fiunt. Vnde Matthæi vigesimo dicit Dominus inuido: An ocu-  
 lus tuus nequam est, quia ego bonus sum? Inuidi adeò sunt in-  
 felices, quòd ipsi amittunt etiam, vbi alij lucrantur. Ipsi de sa-  
 nitate aliorum infirmantur, & de vita moriuntur. Et sicut dili-  
 gentibus Deum omnia cooperantur in bonum: ita inuidis om-  
 nia cooperantur in malum. Inuidus morietur de bono odore,  
 de quo alij viuunt: sicut dicitur de Iuda super Ioan. 12. vbi Iudas  
 murmurauit de effusione vnguenti. Inuidus profectum aliorū  
 reputat suum defectum. Vnde Iudæi inuidi dicunt, Ioan. 12. Vi-  
 detis quia nihil proficimus, ecce mundus totus post eum abiit.  
 Inuidis sunt mala ipsa bona. ¶ Decimo facit ad detestationem  
 huius vitij hoc, quòd vitium istud miserorum hominū est. vn-  
 de Job, 5. Paruulum occidit inuidia. Omnis inuidus in eo quòd  
 talis, minor est eo cui inuidet. Miser est inuidus, & miseria ei  
 placet, vnde soli miseriæ parcat inuidia. Hieron. Difficile est in  
 prosperis inuidia carere: sola miseria inuidia caret. Nobilium  
 personarum est, liberalitas & cōmunicatio suorum. vnde domi-  
 nus liberalissimus est, & desiderio largiendi sua & comunicā-  
 di fecit quicquid fecit. Leonem etiam qui est rex animalium,  
 dicit Aristot. esse animal comunicatiuum. Econtrario inuidia  
 ignobi

ignobilium & vilium est personarum. ¶ Undecimo quia invidia cruciat Dominum suum. Est enim sicut vermis in ligno nascens, qui post illud unde natus est consumit. Hiero. Inuidia sui primū mordax. Invidia primum infestat. Ido. Inuidus nullitus animo astuans, a semetipso liuoris proprii semper agit pœnas. Socrates: Utinam inuidi in omnibus ciuitatibus res vel oculos haberent, vt de omnibus profectibus torquerentur. Idem: Quanta sint felicium hominum gaudia, tanti inuidorum gemitus. Horatius: Inuidia Siculi non inuenere ranni, Maius tormentum. ¶ Duodecimo facit ad detestationem huius vitij, q̄ ipsa est infirmitas & corruptio maxima. Ad corruptus est inuidus, vt ei redolentia foeteant, & econuati amara sint ei dulcia, & dulcia amara. vnde ad inuidos pertinere videtur illa maledictio Esaiæ 5. Væ qui dicitis bonum malum, & malum bonum, ponentes tenebras lucem, & lucem tenebras: ponentes amarum in dulce, & dulce in amarum. Hoc corruptio inuidiæ innuitur nobis Prouerb. 14. vbi dicitur, quod putredo ossium est inuidia. Sicut vestis putrefacta non recipit ablutionem: sic peccatum inuidiæ non de facili abluatur. ¶ Tertio moteritio facit ad detestationem huius vitij, quia hoc vitij magnæ perversitatis. Cum enim omne bonum in communi ductum pulchrius elucescat, secundum Boëtium, & secundum Senecam, nullius rei possessio iucunda sit sine socio: inuidus tamen potius vult carere bono, quàm habere socium in eo: potius vult habere socium in miseria, quàm in felicitate. Exemplum quodam rege, qui concessit cuidam avaro, & cuidam inuido munus quod eligeret, ita tamen quod munus eius qui posterior peteret, duplicaretur: & cum vterque differret, præcepit rex inuidi vt prius peteret: qui petiit, vt erueretur sibi vnus oculus, vobis q̄ proximo eruerentur ambo. Noluit petere aliquod bonum ne proximus eius acciperet duplicatum. ¶ Quartodecimo facit ad detestationem huius vitij hoc, q̄ cum alia vitia vni bono tantum opponantur, vt incontinentiæ continentia, inuidia omnino bono opponitur. Item cum alia vitia alicui malo opponantur, vt prodigalitas avaritiæ, inuidia nulli malo opponitur. ¶ Decimo quinto facit ad detestationem huius vitij hoc, quod inuidia valde periculosa est. Inuidum enim occidunt & bona & mala. Bona cum affligendo, mala verò dando ei occasionem peccandi. vnde ad inuidū pertinere videtur illud verbū quod dicitur in Genesio quarto: Quicumque inuenerit me, occidet me. Videtur enim creaturæ esse contra inuidum. Et merito, quia degenerat

inuidus à creatore & à creaturis. Creator enim liberalis est, & vult communicare bona sua. Creatura etiam adeò cōmunicare volūt bona sua, vt de hoc certamen videatur habere. Ex hoc enim q̄ ignis vult speciem suam cōmunicare materiae aquae, ex hoc pugna est inter ignem & aquam: Similiter sol vult cōmunicare & lumen, & calorem suum. Aug. Indicium diuinā maxime bonitatis est, q̄ quaelibet res cogitur dare seipsam. Ab hac liberalitate degenerat inuidus, diuidēs se à Deo & creaturis, & sociās se diabolo, qui bona omnibus inuidet, & socios vult esse homines suae miseriae. Et ideo merito creaturae persequitur eū tanquam apostatā. ¶ Decimosexto facit ad detestationem huius vitij hoc, q̄ inuidia valde damnosa est suo subiecto. Aufert enim homini societate ecclesiae. De qua societate dicit David: Particeps ego sum omnium timentium te, &c. Bona proximi, quae inuidi essent si ea diligeret, contra inuidū sunt Aug. Pensent inuidi, quātum bonum sit charitas, quae sine labore nostro aliena bona nostra facit. Inuidia aufert homini proximum. Vnde magister Hugo de sancto Victore: Superbia mihi aufert Deū, inuidia proximū, ira meipsum. Inuidia etiā aufert homini sapientiam. Vnde Sap. 6. Neque cum inuidia tabescente iter habebō, quoniam talis homo non erit particeps sapientiae. Vnde Poeta describens domū inuidi dicit, q̄ erat abdita, sole carens. Sol enim iustitiae lumen sapientiae abscondit ab inuidis. Inuidi etiam homines ad paupertatem & ignominiam saepe perueniūt. vnde Prou. 28. Vir qui festinat ditari, & aliis inuidet, ignorat q̄ egestas superueniet ei. Et Eccles. 7. Improperium & contumeliam malus haereditabit, & omnis peccator inuidus & bilinguis. ¶ Decimosextimo facit ad detestationē huius vitij hoc, q̄ viciū istud est signū, quo diabolus discipulos suos cognoscit. Vnde sicut Dñs dicit Ioan. 13. discipulis suis: In hoc cognoscet omnes qui discipuli mei estis, si dilectionem habueritis ad inuicem. Sic dicit diabolus discipulis suis: In hoc cognoscet omnes, quod discipuli mei estis, si inuidiam habueritis ad inuicem. ¶ Decimo octauo facit ad detestationem inuidiae hoc, q̄ ferē omnes inuidi sunt proditores. Prouer. 23. Ne comedas eū homine inuido, & ne desideres cibos eius: quoniam in similitudinem arioli, & conectoris, aestimat quod ignorat. Comede & bibe, dicit tibi, & mens eius non est tecū. ¶ Decimonono facit ad detestationē huius vitij hoc, q̄ frequenter mala morte moriuntur inuidi. Vnde Eccle. 27. Laqueo peribunt, qui oblectantur casu iustorum: dolor autem consumet eos antequam mo-

riatur. Laqueo perit, qui improuise perit. Hieron. Non mentiri  
me vidisse mala morte mortuum, qui liberalem antea duxerat  
vitam. Econtrario saepe accidit, q̄ inuidus mala morte mori-  
tur, qui liberalem ante non duxit vitam. ¶ Vicelimo facit ad  
detestationem huius vitij hoc, q̄ inuidi socij sunt diaboli, & in  
lucro, & in damno. Quando diabolus lucratur, gaudent, quasi  
lucrum ipsius lucrum suum reputarent. Quando vero dia-  
bolus perdit, dolent, quasi damnum eius damnum suum repu-  
tent. Speciales amici diaboli videntur esse tales secundum de-  
scriptionem amicitia, quam ponit Tullius: Habent enim idem  
velle & idem nolle cum diabolo. Idem enim velle & idem nol-  
le, vera amicitia est. Inuidia vermis est, qui arefecit hederam  
næ. Ionas interpretatur donum columbae, & significat aliquem  
hominem gratiosum. Hedera vero prosperitas eius est, quae  
vermis inuidia vult consumere. Quam cito enim videt inuidia  
aliquem prosperari, ipse velle eius prosperitati aduersari. In-  
uidia etiam vermis est dissolvens charitatem, siue charitatem  
tem ecclesiae, pro qua filius Dei voluit mori. Inuidia etiam est  
militis passio illi, qua percussi sunt Sodomitae, Gen. 19. quae  
dicitur auidentia aurica vel acrisia. Et facit passio illa, non ut  
nino nihil videatur, sed ut non videatur illud quod expedire  
videre. Et dicitur acrisia ab a, quod est sine, & crisis, quod est  
diciu. Inuidia vero everso facit q̄ illud non videatur, quod  
expedit videre. Inuidia enim sic excaecat hominem, q̄ ipse  
videt in bono nisi malum. Eccl. 12. Oculus malus ad mala  
dir. Specialiter oculus inuidi malus est. Vnde in eode ca. Neque  
est oculus inuidi. Et Mat. 20. An oculus tuus nequam est, quia  
ego bonus sum? Inuidus plenus est malitia vsque ad oculos.

## De speciebus inuidiae.

## P A R T I I.

**P**ossimus diuinguere duas species Inuidiae, scilicet exulta-  
tionem in aduersis proximi, & tristitia in prosperis. Et  
tandem q̄ exultatio inuidi est quasi gaudium phreneticorum,  
qui de hoc gaudent, vnde flendum esset, imò gaudium diab-  
licum est, quum sit de malo alterius. De hoc gaudeo legitur  
Prover. 17. Qui in ruina laetatur alterius, non erit impunitus.  
Iob 11. Si exultraui ad ruinam eius, qui me oderat, & exultraui quod  
inuenisset eum malum supple, male mihi accidar. Mirum est  
inuidi gaudent de malo, quum enim gaudium debeat esse ex  
iunctione conuenientis cum conuenienti, & inuidi natura sunt  
ni, naturaliter de bono gaudere deberent: sed hoc accidit  
malitia quodammodo in naturam est conuersa, & ideo de

litia gaudent, quum charitatis sit gaudere cum gaudentibus, & flere cum flentibus, vt legitur ad Rom. 12. Vnde Apostolus 2. ad Corinth. 11. Quis infirmatur, & ego non infirmor? Inuidi etiam peiores sunt porcis. Porci enim porcis qui occiduntur compatiuntur.

*De remedijs contra peccatum Inuidia.*

P A R S I I I .

**C**ontra vitium inuidia, possunt esse quatuor remedia. ¶ Primum remedium est, qd homo amet bona quae à multis haberi possunt, ita qd ab vnoquoq; plene. Grego. Qui faucibus inuidia carere desiderat, illam hereditate appetat, quam numerus possidentium non angustat. Idem: Homo vir iustus per hoc quod in terris nihil appetit, alienis profectibus inuidere nescit. ¶ Secundum remedium est meditatio eorum, quae suadent nobis fraternam dilectionem, quae sunt quatuor. Primum est, fraternitas naturalis, quae est inter homines. Omnes enim descenderunt ab vno patre & ab vna matre. Omnes angelos creauit simul: omnes vero voluit descendere ex vno patre & ex vna matre, ad commendationem dilectionis. Secundum est fraternitas spiritualis, quae est inter Christianos, quia nati ex vno patre Deo, & vna matre ecclesia, & eandem hereditatem, scilicet caelestem diuisi sunt: & quanto plures diuidunt eam, tanto maior portio erit vnus cuiusque eorum. Vix posset pleniter ostendi quantum aliquis habebit gaudium de gloria vnus qui secum erit saluus. Tertium est, societas spiritualis, quae est inter fideles. Socij enim sunt in lucro & in damno. Quartum est, qd ipsi sunt membra vnus corporis, cuius corporis caput est Christus. Ad Rom. 12. Sicut enim in vno corpore multa membra habemus, omnia autem membra non eundem actum habent: ita multi vnus corpus sumus in Christo. Et 1. ad Cor. 12. Si quid patitur vnus membrum, compatiuntur caetera membra. ¶ Tertium remedium est, meditatio eorum quae valent ad contemptum propriae excellentiae. Inuidia enim nascitur ex amore propriae excellentiae. Vnde illa quae dicta sunt in tract. de Superbia, contra amorem propriae excellentiae, valent contra inuidiam. ¶ Quartum remedium est, consideratio amaritudinis, quae inuidiam comitatur, & damni multiplicitas quod ex ea prouenit. Ipsa amaritudo est sicut acerum, quo ignis Graecus extinguitur. Solet ignis Graecus cum atena & aceto extingui. Sic inuidia ex consideratione infructuositatis quam habet, & aceto amaritudinis, quae est cum ea, extinguitur. Damnum etiam quod ex ea prouenit, valet ad extinctionem eius. Et est vnus damnus amissio proximi, sicut dictum est prius. Aliud

damnum est, q̄ postquā inuidus dissolutus est à cæteris membris ecclesie, nō viuificatur à Spiritu sancto: sicut nec anima viuificat membrū, quod à corpore separatum est, & humor non ascendit ad ramum præcisum ab arbore. Præterea sicut inuidus non vult communicare bona sua proximo: sic non est dignus quod Deus communicet sibi bona sua.

### TRACTATVS VIII. de Ira.

*De his quæ valent ad detestationem Ira, PARS I. quæ habet quinque capitula.*

*De ordine dicendorum in hoc tractatu. Et verbis Sacre scripturæ, quæ dissuadent iram. Et quare Ira sit auferenda à corde.*

#### CAPVT I.

**EST** superbiam & inuidiam, dicendum est de ira, quia tam superbia quàm inuidia frequenter occidit iram. De ira vero tractabimus hoc modo. ¶ Primo ponemus ea quæ valent ad detestationem iræ. ¶ Secundo ponemus diuersas diuisiones iræ. ¶ Tertio agemus de peccatis, quæ ex ira sequuntur. ¶ Vltimo de remedijs contra iram. Iram vero hic intelligimus, appetitum vindictæ. ¶ Ad detestationem vero iræ valere possunt verba sacre scripturæ, quæ nobis dissuadēt illā Genes. 45. Ne irascimini in via. Vbi insinuat causā quare fatuū sit irasci. Verbum est Ioseph ad fratres suos ituros ad patrē. Sic & nos sumus fratres in via ad patrē nostrum cælestē tendentes, & iudicem, qui iustitiā nobis plenariē exhibebit. Singulis diebus facimus vnā dietam magnā ad iudicē magnū, & ideo debemus esse in pace. Mart. 5. Esto contentus aduersario tuo, dum es in via, ne fortē tradat te aduersarius iudicij, & iudex tradat te ministro, & in carcerem mittaris. Amen dico tibi, non exies inde, donec reddas nouissimum quæ dramæ. Item Leui. 59. Non quæras vltionem: nec memor eris iniuriarū tuorum. Et Iob 36. Nō te superet ira, vt aliquē opprimat. Quo verbo insinuat q̄ ira hostis sit nos impugnans. ¶ Magis timere debemus superari ab ira, quàm à quocunq̄ homine. Quicquid enim potest inferre iniuriarū, minus est quàm mors animæ, cuius causā est ira. Item Eccles. 7. Ne sis velox ad iram. Et Iaco. 1. Sit omnis homo velox ad audiendum, tardus autem ad loquendum, & tardus ad iram. Velox ad iram dicitur quæ dupliciter. Vno modo, quia velox est ad saliendū in ignem iræ. De facili enim irascitur. Alio modo dicitur aliquis velox ad iram, sicut equus dicitur velox ad calcaria, & bos ad stimulum.